



[www.breaksnorthwales.co.uk](http://www.breaksnorthwales.co.uk)



[www.adventure-northwales.com](http://www.adventure-northwales.com)



[www.golf-northwales.co.uk](http://www.golf-northwales.co.uk)



[www.walkingnorthwales.co.uk](http://www.walkingnorthwales.co.uk)



[www.moviemapnorthwales.co.uk](http://www.moviemapnorthwales.co.uk)



[www.eventsnorthwales.co.uk](http://www.eventsnorthwales.co.uk)



[www.gardensnorthwales.co.uk](http://www.gardensnorthwales.co.uk)



[www.attractionsnorthwales.co.uk](http://www.attractionsnorthwales.co.uk)



[www.walledtowns.co.uk](http://www.walledtowns.co.uk)



[www.giantsnorthwales.co.uk](http://www.giantsnorthwales.co.uk)

# egroeso

bwletin electronig gan  
**Bartneriaeth Twristiaeth Gogledd Cymru**

## Denu twristiaid i'r we ranbarthol

**01745 589020**

## Denu twristiaid i'r we ranbarthol

Mae ymwelwyr rhithwir yn troi'n ymwelwyr go iawn yng Ngogledd Cymru, diolch i lwyddiant ymgyrch farchnata fawr ar-lein.

Mewngofnododd rhyw 170,000 o "ymwelwyr unigryw" â gwefan sy'n hyrwyddo atyniadau'r rhanbarth.

Partneriaeth Twristiaeth Gogledd Cymru sy'n ariannu'r ymgyrch, sef y corff sy'n gyfrifol am ddatblygiad strategol yr economi ymwelwyr.

Mae disgwyl y bydd yn chwistrellu £300,000 i economi'r rhanbarth – a'r cyfan am fuddsoddiad o ddim ond £15,000.

Un rheswm am hynny yw bod mwy a mwy o bobl sy'n dod ar eu gwyliau ac ar deithiau undydd yn troi at atyniadau ymwelwyr yn hytrach na mynd ar wyliau tramor drud.

Yn ôl yr ymchwil mae gwefan [www.attractionsnorthwales.co.uk](http://www.attractionsnorthwales.co.uk) yn chwarae rhan allweddol mewn denu ymwelwyr i'r rhanbarth.

Yn ystod y flwyddyn ddiwethaf roedd nifer yr ymwelwyr unigryw â'r wefan bron ddwywaith y targed o 100,000.

Mae talebau y gellir eu lawrlwytho, sy'n cynnig popeth o fynediad rhatach i fynediad am ddim i blant i rai o'r atyniadau ar y wefan, yn profi i fod yn boblogaidd dros ben.

Comisiynodd y Bartneriaeth Twristiaeth Arolwg Gwe ochr yn ochr â'i Phrosiect Ymchwil Ymwelwyr

ei hun.

Ac mae Cyfarwyddwr Strategaeth Rhanbarthol y sefydliad, Dewi Davies, wrth ei fodd gyda'r canlyniadau.

Dywedodd Mr Davies: "Mae'n amlwg ein bod yn symud i'r cyfeiriad iawn. Mae ein gwaith ymchwil

yn dangos bod canran helaeth o'r boblogaeth wedi penderfynu peidio â mynd ar wyliau tramor drud, oherwydd yr hinsawdd economaidd sydd ohoni yma yn y DU, ynghyd efallai â'r gyfradd gyfnewid wael ar gyfer yr Euro, a'u bod yn hytrach yn dewis ymweld â Gogledd Cymru.



*Yn y darlun, o'r chwith, Esther Roberts, Twristiaeth Gogledd Cymru, Angie Lowe o Ask For Research, Dewi Davies, PTGC, Stephen Bristow, Y Gelli Gyffwrdd, Simon Cotton ac Emma Hanson o View Creative.*

“Mae ansawdd, amrywiaeth a fforddiadwyedd yr atyniadau sydd yma’n golygu ein bod yn denu nifer fawr o deuluoedd sydd â phlant ifanc ac mae’n ymddangos bod ein hymwelwyr yn fodlon dros ben â’r hyn maen nhw’n ei gael am eu punt yma yng Ngogledd Cymru.

“Rydym yn dal i weithio’n agos gyda’n partneriaid yn cynnwys Cadw, yr Ymddiriedolaeth Genedlaethol, awdurdodau lleol a Thwristiaeth Gogledd Cymru.

Yn ôl yr Arolwg Ymchwil Ymwelwyr, daw’r rhan fwyaf o bobl sy’n dewis ymweld ag atyniadau’r rhanbarth o Loegr, ac o Swydd Gaer, Glannau Mersi a Swydd Gaerhirfryn yn arbennig. Plant yw eu hanner bron.”

“Mae Gogledd Cymru yn ardal sy’n apelio’n fawr at bartïon o ymwelwyr yn hytrach nag unigolion. Mae’n arwyddocaol fod dros hanner y grwpiau ymwelwyr yn deuluoedd.

“Mae’r ffocws ar grwpiau teuluol ac apêl Gogledd Cymru i bob grŵp oedran yn rhoi gwybodaeth allweddol i ni er mwyn datblygu a darparu cyfleusterau perthnasol i gefnogi ymwelwyr.”

Yn ôl y Prosiect Ymchwil, fodd bynnag, mae’r tywydd yn cael effaith fawr ar ymwelwyr ac mae bron i dri chwarter ohonynt yn edrych ar ragolygon y tywydd cyn penderfynu ymweld ag atyniad.

Ychwanegodd Swyddog Marchnata Gweithredol y Bartneriaeth Twristiaeth, Carole Startin: “Er na

all atyniadau ddylanwadu’n uniongyrchol ar y tywydd, mae codi ymwybyddiaeth o’r dewisiadau sydd ar gael yn yr atyniadau hynny mewn tywydd drwg yn helpu i leihau’r effaith negyddol ac yn sicrhau bod ymwelwyr yn fodlon.

“Oherwydd dylanwad mynyddoedd Eryri rydym yn aml yn gweld bod arfordir Gogledd Cymru yn cael tywydd gwell o lawer, er ei bod hi’n dywydd gwael draw o’r glannau, ac nid yw rhagolygon tywydd rhanbarthol cyffredinol bob amser yn tynnu sylw at hynny.

“Ein nod hefyd yn parhau i anfon negeseuon e-bost ar themâu penodol er mwyn annog mwyr fyth o bobl i ymweld â Gogledd Cymru.

“Wrth gwrs ni fydd pob un sy’n ymweld ag atyniadau Gogledd Cymru yn edrych ar y wefan ac mae ein hymgyrch daflenni yn parhau i gael effaith fawr ar nifer yr ymwelwyr.

“Mae’r gwaith ymchwil yn dangos bod bron hanner yr ymwelwyr wedi edrych ar daflenni naill ai cyn neu ar ôl cyrraedd y rhanbarth.”

